



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 66. Provinciarum Deputati conclusionem revocari postulantes.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.
A. C. 1439.

Magna erat concurrentium frequentia, & utraque pars ad sententiæ suæ defensionem obfirmatum exhibebat animum. Cum ergo hac die forma decreti concludenda esset, & Cardinalis Arelatenfis coetum valde numerosum, non duodecim illos Deputatos, qui pro legendis conclusionibus destinati erant, concordatis consensisse cognosceret, ad præcavendos tumultus, atque clamores, qui forte suboriri possent, e vestigio Concordatum prælegi jussit, postmodum futuræ Sessionis diem inducturus. Quod ut intellexerunt Oratores, ac Principum Delegati, qui a Lubecensi Episcopo in choro majoris Ecclesiæ ex industria detinebantur, indigentate rei commoti abscedebant, & ingratam concionem in graves, apertasque querelas de injuria sibi illata erumpebant.

§. LXVI.

Provinciarum Deputati conclusionem revocari postulantes.

Horum primus conclusionem omnino revocari a Synodo petiit, vicissim promittens, se ea lege pacis conciliatorem exiturum, quinimo Concilium omni modo protecturum. Archiepiscopus Turonensis videri sibi dicebat, usque ad Sessionem liberam esse dicendi omnibus facultatem adversus eam, quæ promulgari deberet, legem; rem esse

*Æn. Sylv.
loc. cit.*

esse grandem, arduamque, nec tam brevi spatio comprehensibilem; velle se atque collegas ante confessum & audire alios, & audiri ab aliis; oportere eum rem bene nosse, ut domum rediens, & informare posset Gallia, Dominum suum. Pluribus aliis contra Arelatensem declamantibus, ad Panormitanum Archiepiscopum ordo deflexit, qui plurimum excandescens, graviter in Basileenses invehebatur, in eos illa Evangelii verba apud S. Matthæum cap. 7. v. 6. *A fructibus eorum cognoscetis eos, & illa: Qui male agit, odit lucem*, Joan. v. 20. retorqueus. Absolutis omnibus hisce sermonibus, in quibus plus commoti animi motibus, quam veritatis amori tribui credebatur, Cardinalis Arelatensis verba facere cœpit, atque orationem suam jam ad Panormitanum direxit, jam & Imperatoris, & Francorum Regis Oratores, nunquam etiam ad quosdam Prælatos sigillatim convertit.

§. LXVII.

*Cardinalis Arelatensis Oratio pro
Conclusione.*

Summa autem orationis suæ hæc fuit,
 Conclusio Canonice ac juxta ritum legesque, quas omni tempore Synodi Patres servarunt, confecta est, quæ vero hodie